





Opuscula

Opuscula

I
C

A
E

C

I

A
S

I

A

PROMULGATIO Legum XII. Tabularum, 9

doctrinâ & opere

Per Perillustrem Clarissimum & Admodum Reverendum Dominum,

**D. M. CASIMIRVM
JARMVNDOWICZ,**

Juris Utriusq; LICENTIATUM & PROFESSOREM, Ecclesiarum Collegiatarum;
SS. OO. CANONICUM, Ilcusiensis DECANUM, in Ecclesia Cathedrali CONCI-
ONATOREM Ordinarium, Consistorii Generalis Cracoviensis ASSESSOREM

Practicatarum,

dum in Ecclesia Collegiata Sanctorum Omnium,

à CELSISSIMO PRINCIPE,

ILLUSTRISSIMO & REVERENDISSIMO DOMINO

**D. ANDREA
STANISLAO KOSTKA**

COMITE in ZAŁUSKIE

Z A Ł U S K I,

EPISCOPO Cracoviensi, DVCE Severiæ, EQVITE Aquilæ Albæ,
Vniversitatis Cracoviensis CANCELLARIO Faventissimo,
insignia verò conferente

Perillustri Clarissimo & Admodum Reverendo Domino, D.

M. ADALBERTOMICINSKI,

Juris Utriusq; DOCTORE & PROFESSORE. Ecclesiarum, Collegiætæ SS. OO.
CUSTODE, Parochialium in Luborzyca & Koniuszæ PRÆPOSITO, Facultatis
Juridicæ DECANO,

favente Illustrissimorum Hospitum & Academici Senatûs Corona,

Juris Vtriusque Doctor

ritu solenni renuntiaretur,

in argumentum propensissimi affectûs votiq; gratulatorii,

*à M. ANDREA LIPIEWICZ, Philosophiæ Doctore, Matheseos & Scholæ Rhetorices Professore,
Oratoriò eloquiò perenni memoriæ*

P U B L I C A T A.

*Annò 1748. Quò Lex scripta commutata est à CHRISTO in Evangelium. Lib. 6. Conf:
Apost: cap: 23. Die Jovis 28. Mensis Martii.*

Cracoviæ Typis Collegii Majoris Vniversitatis.

*Legem neq̃ hominum ingeniũs excogitatam, neq̃
scitum aliquod esse populorum, sed æternum
quiddam, quod uniṽersum Mundum regeret im-
perandi, prohibendiṽe sapientiã.*

Cic: Lib: 2. de Leg: n. 22.

*Cũ itaq̃, nihil tam studiosum in omnibus rebus in-
venitur, quã Legum Authoritas; quæ & huma-
manas & Divinas res bene disponit: reperimus
omnem legum tramitem, qui ab Urbe Roma con-
dita, & Romuleis descendit temporibus.*

*I. DEO Authore. ¶ Cũ itaq̃; C. de
Veter: Jur. enucl:*

Vir bonus est, quis?

Qui consulta Patrum, qui leges, juraq̃ servat.

Horat: lib. 1. Epist: 16ta ad Quinctium.

Qui juris nodos Legumq̃ ænigmata solvat.

Juven.

PROMULGATIO
Legum XII. Tabularum.
LEX I.

Separatim nemo habessit Deos, neve novos, sive advenas, nisi publice adscitos privatim colunto. Cic: lib: 2. de Leg:

Legem hanc
in duabus Tabulis Moylis fundatam,
Tuas mentis præclaras dotes animi conspicuas virtutes complectentē,

Perillustis Clarissime & Admodum Reverende Domine
Juris Vtriusq; Neo-Doctor,

perennanti omnium memoriæ,
ceu Lydie Lapidì propensò calamò exoptans imprimere:
incidi in Rubricam,

de Summa TRINITATE & Fide Catholica.

Linquite Iovis Fanum sacri Flamines,
ubi sacrilego Thure
aut levigatus è rupe, aut excisus è trunco adorabatur in Ara DEUS;
cedite victimas, lunate genua, ipsas facite effumare acerras,
& sacros quà prece, quà thure potestis,

Vero Numini exhibete honores.

Idea Vobis CASIMIRVS

Orthodoxis & Catholicis Parentibus natus,

*quibus in tali Religione versari (imò & mori) quam D. PETRUM tradidisse Romanis,
Religio usq; adhuc ab ipso insinuata declarat, (a)*
eadem mens & idem animus erat.

Simul ille cum luce hac Lumen de Lumine aspexit,
pro cibo Sal Sapientiæ & Lustrales Fontes habuit,
pro lacte pietatem fuxit.

*Impietatem rejectam, vitia damnata, scelera anathematizata,
pariter ille rejecit, damnavit, anathematizavit:*

& quod sanctum est dilexit, quod Divinum coluit, quod virtuosum ab infantia amplexus,

Nactus pro Fundamento CHRISTVM, pro Basi Fidem,
& superædificium boni operis (b) surrexit;

in quo sinè Fidei Lumine videri,
sinè virtutum splendore æstimari, sinè cordis candore commendari,
sinè scientia pietatis, quæ est nosse legem, intelligere Prophetas, Evangelium credere, apostolos non ignorare. (c)
recusavit laudari CASIMIRUS.

Undis Castaliis Fontem Aquæ salientis in vitam æternam,

Phæbo Scholastico Lucem Inaccessibilem,

amori sapientiæ Charitatem DEI prætulit,

*sciens bene: quia inter claras sapientiæ laudes puriore luce tanquam aliquod sydus irradiat,
quod amore Fidei (d) splendet*

(a) l. t. c. de Summ: Trinit: & Fid: Cathol: (b) can: cum Paulus. 1. q. 1. (c) can: si quis, dist: 27.
(d) l. Inter claras, c. de Summ: Trinit: & Fide Cathol:

*Ritus Familiae Patrumq; servanto. Modest: in l. 1. ff. de Rit. Nupt.
& Cic: lib: 2. de Leg.*

Degener Aquilæ Pullus,

qui Phæbum irretortâ non intuetur pupillâ:

non Phœnix, qui extra Arabiam nidificat.

Hector pro Troja, Achilles pro Græcia Patria sua pugnavit,

Curtius pro Roma;

Phaëton flammâ extinctus,

quia Paternum in regendis Phlegontibus non servavit ritum.

sic est: *non decet à Capite membra discedere. (e)*

quos Pater Aeneas & Avunculus reliquit Hector,

hos servant Ascanii mores,

Fecisti sic disponente Lege

Perillustri Clarissime & Admodum Reverende Domine

Juris Vtriusq; Neo-Doctor,

mores, quos à Patre Tuo derivavisti, ad unguem servasti.

Parens Tuus Dilectissimus,

saeculò suò par Galeno,

Æsculapios in arte sua si non anteivit, verè sibi æquales effecit.

Quid Illum latuit, quid effugit, quid gloriosum non monstravit?

secreta naturæ novit optimè, arcana penetravit prudentissimè,

abditæ rerum investigavit solertissimè.

Unde animum ejus æstimabant multum, ponderabant plurimum

JABLONOVII, KONIECPOLSCII, KORYCINII, BIDZINII,

qui Lydii Lapidès Illius qualitatibus fuerant.

Tu Paternarum Dotum Hæres ex Asse,

quas à Majoribus didicisti, servas diligentissimè:

quas à Parente accepisti custodis virtutes vigilantissimè:

ut si ex vestigio Pantheram, ex voce volucrem,

Paternas virtutes ex Te liceat conjicere.

Imò & Fratris Tui Dignissimi

Perillustri olim & Admodum Reverendi Domini

MATHÆI JARMUNDOWICZ,

Scholastici Biaŕoczoviensis, Curati in Niedzwiedz,

virtutum in Te exarâsti characteres.

Ardebat Cor Ejus pietate erga Superos, zelò erga honorem DEI;

amore erga Sponsam suam, quam de fundamentis erexit, ære adornavit,

cenŕibus dotavit, juribus vindicatis ampliavit;

Tibi idem zelus, nec animus dispar, ivit in Coronam gloriæ

Fatri Tuo Germano STANISLAO,

& ANNÆ STANISZEVIÆ Sorori Tuæ,

quibus Paternarum virtutum & morum, factus es

Idea & exemplar.

LEX III.

*Qui Coronam parit virtutis ergo arguitur, ipsiq; sinè fraude
imposita esto. Plin: lib: 21. cap. 3. & Cic: 2. de Leg.*

Non paradoxum

Coronas etiam generari posse.

*Nempe Honor ex quibus crescit, sua semina habet,
gloriosa gesta & magnitudinem factorum.*

Qui navim Reipublicæ in naufragio, Patriam in bellorū salvârunt incendio,
illos Obsidionales, Navales, Murales, peperisse sibi Coronas
vidit Antiquitas.

Sic Hercules inter astra relatus, quia Monstrorum Victor:
sic ad Cannas desponsârunt gloriæ, facta Heroica Annibalem.

Virtus gloriæ Parens,

nectere & Tibi visa est Coronam

Perillustis Clarissime & Admodum Reverende Domine

Juris Vtriusq; Neo-Doctor,

cujus mens erudita, animus sapiens
immortalium operum Architectus

Rhodiis Colossis ivit celsius,

stetitque in auge honoris.

Palladi ut nomen dedisti, duxit Te vestigiis,

tudore porius cavatis, quàm extrà nitentibus,

eùm jam tunc ad Majorum exempla animum composuisses,

ubi lux genuina virtutis, non vana coruscatio aut fulgur.

Prætexta scientiæ Tuæ,

incidit in eam ætatem, quæ Summos in Academia Viros usq; ad invidiam protulerat,

quorum animus transferat in Te spiraculò quodam Magneticò,

ut quocunq; Te seu studii seu gloriæ cursus dirigeret:

ubiq; probitatis & purioris conscientiæ respiceret Cynosuram.

Calamus erat Tibi radius, fons luminis pectus:

tersissimus oris & animi candor fecit,

ut per Hippocrenen, Svadam, Peripatam omnem

usq; ad Doctoratûs in Utroq; Jure Zenit

Te quoq; sequeretur sapientia.

Poëta, Orator, Philosophus, Juris DOCTOR,

claritudinè Tua major,

qui sub umbra & cortina modestiæ revelari meruisti,

quàm fueris in luce erudita profundus.

Alma Mater Universitas

sciens: quod virtutum premia tribui merentibus convenit, (f)

virtutem eruditam Tuam binâ in Philosophia coronavit laureâ,

sub qua excellentiam dorum Tuarum explicari pulcherrimè

viderunt mentium tersissimæ pupillæ, & inviderunt,

quâ totus in docendo facilis, in explicando clarus,

in scribendo acutus, in argumentando subtilis,

formatôq; ad animorum collyria geniò eminebas felix.

b

LEX

(f) l. Et Virtutum, C. de Statuis & Imaginib;

LEX IV.

Iussus & populi suffragia sunt. Liv: lib: 7.

Non vobis aratra boves, non vobis fertis vellera oves,
argumentosæ non vobis mellificatis apes:
in aliorum aratis messem, in Principum purpuras divite crescit lana,
ad communes usus suavem colligitis Hymettum.

*Etenim sic lege dispositum natura,
Sol omnibus luceat, lux in candelabra posita consumatur, modò aliù inserviat,
fontes ad vota omnium fluant,
quos hauriendo gratitudinè ergò coronabat antiquitas*

Talem Te Orbi Literario dedere Cœli

Perillustri Clarissime & Admodum Reverende Domine

Juris Vtriusq; Neo-Doctor,

cujus virtus quasi publicum & privatum jus,
& statui literariæ Reipublicæ, & omnium utilitati consecrata, (g)
jam bonum promovere publicum,
jam ad communes omnium usus extendi curabat.

Vnde explevisti Legem hanc in Te,
dum Voluntati parendo Majorum, nutibus obtemperando Superiorū
sub Majoris Poloniæ ivisti Polum,

virtute grandis, animò ingens, mente sublimis:
ubi decenniò in labore Academico PROFESSOR
docuisti quod virtuosum, explicuisti quod utile,
impressisti cordibus omnium quod honestum.

In Vineâ Lubransciana indefessus Operarius,
laborabas sed non Tibi, inutiles eradicabas frutices, sed aliorum utilitati:

spinas suffocantes diligentiam evellebas, sed ad omnium profectum.
Sicq; plantasti Oratorios flores, seraces eruditionis inlevisti palmites,
amēnos bonorum morum disseminasti fructus:

ut Flos Juventutis selectissimus, Ecclesiæ in decus,
Patriæ in ornamentum, Familiis in Coronam votorum
florere amēniùs, vernare suaviùs, exerescere pulchriùs posset.

Imò in LUBRANSCIANA Pinu

Phœnices Rhetorum nidificare fecisti,

& ipsas ingeniorum Aquilas Phœbum Scholasticum intuentes habitare.
Dotes animi Tui in omnium usus effusas æstimabat plurimū

Illustrissimus olim & Excellentissimus Dominus,

D. VLADISLAVS RADOMICKI,

Palatinus Posnaniensis, &c.

& Illustrissimam Prolem suam Palatinidam Posnaniensem,

ut à Te majus eruditionis pretium delumeret,
pretioso ingenii Tui concedidit arario.

Plures effusas in omnes virtutes Tuas

exigui foliorum non comprehendunt margines,
quia non tam hominibus vel lapsis, vel circumscriptis subvenit Prætor (h)
quàm Tu prostratos erigis, infirmos consolidas, nutantes corroboras,
jura Ecclesiarum vindicando, immunitates Communitatum tuendo:
rarusq; quem in viam planam æqui & justī non deduceres.

LEX V.

(g) l. l. i. ff. de iust. & iur. (h) l. vilitas. ff. de in integrum restit.

LEX V.

Qui frugi est excantassit. l. 1. ff. de Extraordin. cognit: & Plin:
lib. 28. cap: 3.

Depromitur etiam de visceribus terræ aurum,

ut in Principum elaboretur Diademata:

de Concha eruitur Unio

ut Regum appretiet Coronas.

qui Patriæ proſit, etiam ultra thulen Orbis quæritur Civis:

virtus enim juſſibus & populi ſuffragiis ſacrata latere nequit.

Sub nube modestiæ TUÆ occultari non poterat

Perilluſtris Clariffime & Admodum Reverende Domine

Juris Vtriusque Neo-Doctor,

cuius animum ad utilitatem boni Communis natum

videns Alma Mater Vniuerſitas,

ex aula Illuſtriſſimi olim Palatini Poſnaniensis evocavit TE,

qui ardua facilitare, perplexa reſolvere, quævis occurrentia amovere poſſes.

Inter Profeſſores Domus Minoris cooptatus

meritiſſimos honores Tuos adauxere

præclara ſummorum Virorum de TE in Athenæo Noſtro Iudicia,

quantum pro integritate Literarum, pro ſalute privilegiorum

aliſſi, tuſiſti, ſudâſti.

Infomnes ducendæ erant cum Cleanthe noctes, ducebas:

vigilandum erat pro Bono Communi cum Antipatro, vigilabas.

Sufferenda ingens curarum moles cum Atlante, ſufferebas:

conſulebas, vigilabas, laborabas,

tot ardua difficultatum, tot incommoda viarum, tot detrimenta vitæ & laborum onera

ſuſtinendo fortiter, ſufferendo patienter, tolerando conſtanter,

In Bono Vniuerſitatis promovendo ſolicitiſſimus,

in conſervandis Iuribus attentiſſimus,

in defendenda illorum integritate ſtudioſiſſimus eras:

teſtantur Tribunalia Regni

quomodo pro Iuribus Academiz, ut olim Solon apud Athenienſes obſtabas,

teſtantur Conſiſtoria, Fora, Prætoria,

ſi neglecta non vindicâſti, obmorta non reſuſcitâſti jura,

& quæ ſuccubuerant quondam ſi non erexiſti Leges.

Laborem tantum penſando Alma Mater Vniuerſitas,

ad Decanalem TE excantavit, an veriùs evocavit Purpuram,

munus enim ſuſtinenti honor deferri debet (1.)

frugi & utiliſ ad Coronam evocandus:

cui à virtute Tua venuſtatem majorem, à labore apparatus elegantiorẽ,

à meritis præſtantiorem ornatum adjeciſti.

Sed invidit TE Domui Minori

Iure conſultorum Princeps Aſtræa, & Principum Ocellus;

& non ſine Stoæ Suadæq; cordolio

brevi TE Sydus Literarum & animi eruditi gemmam Coronæ Doctorali inſeruit.

In hoc Sacrario Iuris & Senaculo Juſtitiz

nihil tibi arcanum, quod acumine ingenii non penetrareſ,

nihil velamine reſtum quod non illuſtareſ

quafi in Legum & Canonum intelligentiam, ſpeculatione, praxi, & labore

Delphos oraculorum ubiq; Tecum circumferreſ.

LEX

(1) l. Honorem. ff. de Muner: & Honor:

LEX VI.

Sol occasus suprema tempestas esto, Ex Agell: lib: 17, cap: 2. Varr:
lib: 7. de Ling: Lat:

Magnorum Virorum Occasus

nubem doloris parit,

Gracia Achillem, Ilium in cinere Hectorem,

Roma saeculis lacrymabatur Scipionem,
splendore vultus illorum privata.

Evocasti in parem doloris Scenam

Perillustri Clarissime & Admodum Reverende Domine

Juris Vtriusque Neo-Doctor,

corda & desideria omnium,

ut quem in sufferendis laboribus parem Herculi,

in Cursu Scientifico robustum Athletam,

Sub mole ingentium curarum non absimilem Atlanti habuerunt
eundem TE alias commigrantem in oras viderunt.

Ivisti iterum in Majorem Poloniam,

sed non sine comite multorum Tui expectatione,

ubi vix è voto Universitatis Nostrae stetit

Dignissimus Collegii Lubransciani Director,

factus es meritum Tuorum major occasio & longior Panegyris:

Mehercle spectatissima hac Muneris Tui Provincia:

in qua Professore antea, postea Directorem lux Te publica vidit
& suavem in regendo potestatem,

studiosam Scholasticae disciplinae curam,

Sollicitum Professoralis laboris amorem experta,

quo mentis candore, qua animi teneritudine, qua cordis sinceritate
ferebaris erga studia, astuabas erga Professores, ardebas erga singulos.

Consistorii Posnaniensis Assessor,

ad Illius Themidis oracula, ad Responso Juris accessisti ingeniorum Phœbus,

& quam fueris eruditione solidus, sensu profundus, explicatione planus,
vota toties in partem æqui & justī data probârunt.

Librorum per Diœcesim Synodalis Censor,

ne errores irruerent animadvertebas prudentissime,

ne contra fas & æquum fieret providebas circumspectissime,

ut virtutem insensitam erigeres, curabas diligentissime.

Domestica si loquentur de TE

erit laudum Tuarum ingens acervus & cumulus.

In illo Lubransciano Musæo

Juri Canonico tradendo invigilabas sine intermissione,

explanando Juri Civili incumbebas sine respirio;

& quanquam maligni fortunæ casus mentem perturbabant Tuam,

studio tamen promovendo attendebas sine interruptione.

Premebat TE adversa valetudo, tu omnium curabas salutem,

quamvis viribus lassus, in supportando Bono communi non concidebas animo,
ad ruinam vergentia restaurasti, collapsa erexisti, & varia suppellectili adornasti:

Etsi taceret calamus parcendo modestiæ, quæ egisti,

extollunt Nomen Tuum Typographicae Columnæ, quas ferme radicitus erexisti:

Typi, quos de novo comparasti, perennem Tibi gratitudinem scribunt,

prela, quæ construxisti, memoriam Tuam posteritati imprimunt,

quàm fueris sollicitus Illius Boni communis DIRECTOR.

Alma Mater Universitas

ut Te Gemmam inclusam auro ad Thesaurum suum rehabere posset, ad exhibendū egit. (1)

(1) 1 Gemma. ff. ad exhibendum.

LEX

LEX VII.

Paterfamilias ut legasset, ita ius esto. Paulus in l. Sæpe 53. ff.
de Verb: Signif: & Iustin: in pr. Tit: Instin: de Leg: Falcid.

Arcana rerum scrutari,

aut secreta naturæ nosse, Plinijs tantum concessum:

Mentes Deorum exequi

solius Mercurii opus:

liberam mortalium voluntatem explere,

ipsis Divinis Platonibus relictum.

Ita est;

Magnæ animæ Viris nonnisi conceduntur Illustribus,

Alexander Reges æmulos poscit.

Magnum animum Tuum

Perillustis Clarissime & Admodum Reverende Domine

Juris Vtriusq; Neo-Doctor,

in arduis probatum, in difficillimis expertum,

in perplexissimis semper constantem viderunt

Illustres olim & Admodum Reverendi Domini

M. ADALBERTUS PLACZKOWSKI,

Philosophiæ Doctor, Collega Minor,

MATTHÆUS JARMUNDOWICZ,

Scholasticus Białoczerwienis, Curatus in Niedzwiedź, Frater Tuus,

JOANNES MACZUTKIEWICZ,

Sanctorum Omnium Canonicus, Curatus in Melsztyn,

JOANNES KOBRZYNSKI, Sanctorum Omnium Canonicus,

& mentes suas Tuo Imperio, Arbitria sua Tuo Iudicio,

ultimas voluntates suas Tuæ dispositioni subdiderunt.

Videre erat, quomodo legem hanc observasti:

quomodo desideria illorum satiasti, amoris satisfacisti, vota explevisti singulorum;

quod Divinum erat reddidisti, quod proximo dispositum reposuisti,

quod ad curam animarum ordinatum executus es.

Verus Fidei Commissarius,

appromissam servasti fidem, nexus custodivisti omnes,

clausulas non prætermisisti quasvis.

Optimus Executor,

sciens: quod ultima defuncti voluntas exequenda est, (k)

unde adhibuisti omnem curam, admovisti omnem sollicitudinem,

adjecisti omnem diligentiam,

ne suffragiis defraudarentur, & pijs subsidiis illorum destituerentur animæ,

sicq; etiam in cineribus Famam Nominum eorum reddidisti

Superstitem.

LEX

(k) can, Ultima 13. q. 4.

LEX VIII.

*Ut si Vicini inter se iurgant finibus regundis, Arbitros tres da-
rent, illisq; totum rei ius arbitriumq; permitterent. Cic. lib. 4.
de Rep. & lib. 1. de Leg.*

Tridente opus,

ut insolentem Neptuni compescas licentiam;

Clavâ Herculis,

ut Erymanthæos Apros & Hydram septicipem domes,

Aliâs nisi trifulcra Iovis vibrentur fulmina,

confurgent contra Cælum Gigantes,

& totam contra Superos facient Cyclopes ardere Vulcaniam;

nisi Mediatores pacis habeat Orbis

Regna in favillam, Urbes in rudera, Civitates in desolationem ibunt,

nisi Arbitri Juris & hominis adsint,

vitiorum emendatricem, Commendatricemq; virtutum (1)

quis reverebitur legem.

Talem Te Cælestis dedit Astræa

Perillustri Clarissime & Admodum Reverende Domine

Juris Vtriusq; Neo-Doctor,

Juris sapientissimum Arbitrum,

ut accensa odia extingueres, lites æstuantes sopires,

animorum dissensiones compesceres,

Unde vix ad hoc Justinianæum processisti Culmen,
concessere sapius exquisitæ prudentiæ Tuæ Commissa

tot Commissionum ardua;

in quibus versatus es pari dexteritate & animi fide,

decretis sapiens, justitiâ incorruptus,

& ne ius abiret in pessum, leges vacillarent, scita ruerent;

Tu Arbiter prudentissimus animadvertebas solertissimè.

Quot dissolutos non composuisti animos,

divisa non univisti corda, alias non conciliasti mentes;

testantur Acta, jam à Regia Majestate deputari,

inducant Rhotuli jam à Sacra Nuntiatura

Te toties & finibus regundis & familiæ erciscundæ

Commissarium & Arbitrum delegari sapientissimum,

Agebas Arbitrum;

sed ultra petita partis & comprehensa non processisti: (1)

quod exterminandum erat, exterminabas;

quod eliminandum, eliminabas; quod eradicandum eradicabas;

Tu ipse Idea & exemplar morum,

Quidquid decidisti, erat ad mentem Canonum;

quidquid conclusisti, erat secundum dispositionem legis,

quidquid definivisti, regulam æqui & iusti non excessit;

Ipsæ Canon & Regula vitæ.

Sicq; triumphabat innocentia, virtuti non defuit patrocinium,

nullus erat sceleri locus,

Te Assessore, Te Arbitro prudentissimo,

ad Justitiæ Bilancem sedente.

(1) c. Cùm dilectus. de Arbitr.

LEX IX.

Un lingua nuncupasset ita jus esto. Cic: lib: 1. de Oratore,

Etiam lingua in legem abit:

quæ Regna triumphat, Cives vincit, populos subdit, condit & Gentibus jura;

Sic Pompilius, Cato, Cicero, quidquid dixerunt lex erat,

Sic Cynea Eloquentiâ Vrbes Pyrrho tributarias fecit.

Ut Tua facundia corda triumpharet, animos vinceret,

Perillustis Clarissime & Admodum Reverende Domine

Juris Vtriusq; Neo-Doctor,

Lege cont inui laboris & jure sedulæ applicationis effectum.

Attica suada os Tibi floridum & calamus fecerat rosis plutquam Hyblæis vernantem,
cujus decore & suavi fragrantia

Majorem Minoremve Poloniam replevisti.

Quinquennis Tylicianus ORATOR

quantum Nobilissimæ Juventuri ex Floribus Oratoriis connexuisti apparatus;

ex Oratoriis ignibus meridiem eruditionis accendisti,

ex Fontibus Rhetoricis verborum collegisti uniones, ad animorum Coronam;

Si Scripturam Authenticam Orbis Literarij non videret, ad exemplaria Tua nil facere posset (m)

quæ dum magnò animi desiderio fover

miratur, quàm Tibi felix calamus utroq; Stylo acutus.

SORS PALATINALIS HONORIS.

quæ olim supra MATHIAM RADOMICKI, Palatinum Polnaniensem cecidit,

dum Oratoriâ Formâ demonstraretur à Te,

capite Delphos gerere, ore oracula loqui credebatis.

Cujus dum iterum dolenda fata Libro Tristium.

veluti alter Ovidius, non jam ad Pontem Euxinum, sed ad flumina lacrymarum deflesti,
visus es Fontes Oratorios congregasse in unum.

Trajanum post Nervam in primo aditu Majoris Poloniæ Præfecturæ

JOANNEM PRZEBENDO WSKI Thesaurarium Regni, officioso dum adorares cultu,

Navalem Coronam in obtinenda hacce Generalatûs Majoris Poloniæ Præfectura

LVDOVICO SZOLDRSKI solenni cum plausu dum conferres,

cujus non attraxisti corda, qui etiam Reginam Eloquentiam in comitatum duxisti.

AGNVS SZANIAVIVS, Lucerna Gloriæ Tux,

RASTRA LIPSGIANA super Vaticanæ Collibus elevata, messem Tibi Honoris collegere,

Serenissimi ac Invictissimi Regis Poloniarum feliciter Regnantis AVGVSTI III.

Panegyrico cultu adorata Majestas, feliciorum calami plausum comparavit.

Fundamentum de cordis lapidibus GASPARO MODLIBOWSKI

olim Pocillatori Vschovenfi nunc Castellano Mederecensi cum SOPHIA de Radomiciis,

& Aureum Sæculum DEMETRIO JARONOWSKI cum CATHARINAE SZEMBECHS

in actu tædiferi Hymenæi Polono contructa Idiomate, venustiore Tuam indicarunt Hyblam;

Navigium felix ADAMO PONINSKI, Episcopo Aranensi, Suffraganeo Polnaniensi,

RATIONALE PONTIFICUM, FRANCISCO KAZNOWSKI,

EPISCOPO Domitiopolitano, SVFRAGANEO & OFFICIALI Polnaniensi,

Protocollum virtutum & meritorum,

JOANNIZYWERT, Canonico Sendomi: Consistorii Gen: Crac: Actuarius Notario,

Paragraphus JOANNI KRALL, Canonico Cathedrali, nunc Judici Surrogato Posna:

Fundatio Ecclesiæ Landensis, bis trecentis sæculis firmata

ANTONIO LUKOMSKI, ABBATI Landensi,

aliq; in lucem publicam tui editi labores monstrarunt,

quomodo meritis & scriptis Tuis omnem implisti paginam,

qui admirabili felicitate & gloriâ, & in Cathedra Magnus PROFESSOR

& in Rostis VERBI DIVINI Ecclesiastes, facundus.

Vnde hos labores, hos Oratorios fontes coronavi in Te

ALMA MATER UNIVERSITAS.

dum Tibi in Jure Vtrq; Licenciaturæ, contulit gradum:

quia Illi tuam docendi peritiam, facundiam dicendi, interpretandi subtilitatem,

cætu amplissimo id judicante placuit honorari. (n)

LEX

(m) Defecti Greg: lib: 2. tit: 22. de Fid: Instrum: (n) l. Grammaticos, C. de Professor

L E X X,

Affiduò Vindex assiduus esto. Ex Agell: lib: 16. cap. 10.

Nescit virtus uno limite claudi,

quæ cum Hercule ultra Gaditanas Columnas,
cum Alexandro ultra Thulen Orbis processit:
quasi parum illi esset ad gloriam tingi hostili tabo,
ni totum Rubiconem ebibat,

frangere Alpium juga, & quomocò æmula Romæ Carthago ruat, ignorare,
ad Capitolium currere, & in medio detineri cursu.

Nescit terminale non plus ultra labor & virtus Tua

Perillustri Clarissime & Admodum Reverende Domine

Juris Vtriusq; Neo-Doctor,

quæ Cælorum imitatur naturam,
semper in motu & nunquam subsistit:

citiusq; Mauritanus Atlas gemeret sub sphaera,
Hercules enervaretur sub pondere,
& Virtus Tua sub mole laborum non fatisceret.

Quæ cæpisti, ivisti per ardua curarum,

unde vigilabas assiduò, laborabas continuo ad porticū laboris excubabas frequenter;
verrebatq; tam diu pulverem eruditum,

donec Tibi in Olympum tumesceret gloriæ,

& terram Literariam adusq; ingenii excolebas vomere;
donec Tibi messem auream proferret honoris.

Præses Judiciorum Jurisprudencia

ad Pantheon suum Juridicum postquam Te invitasset,
quid non egisti?

nulla Protocolla, quæ non lustrasses: nulla Acta, quæ non revidisses:

nulla volumina Legum, quæ ignorasses.

Extinxit non semel vesper diem,

& animus Tuus in revolvendis Actis ferventissimus ardebat,
radiabant Cælorum faces,

etiam ad invidiam mens Tua ad Cleanthis exæstuabat lychnum;

& nunquam Tibi Phæbus eruditus occidere visus;

qui etiam Noctes Atticas in diem vertisti.

Quare Acta, quæ aliorum latebant ingenium, tu nota faciebas,

quæ imperceptibilia erant, tu facilitabas,

quæ ab aliis neglecta, Tu sublevabas

Affiduò vindex assiduus.

Mirum est inter curas maximas

quàm Tibi animus ingens & calamus felix:

una manus pro centenis Literatorum sufficit,

Solaq; exhaustit opus Sapientiæ, quod sæcula ferrets

unum pectus & pro omnium curis immortalibus erat,

Delphos secum & Athenas portando.

Plura scriberet calamus,

ni priorem lanam retexere videretur.

LEX

LEX XI.

*Si vis Vocationi suat, igitur capito antestari. Cic: lib: 3. Offic:
Agell: lib: 7. cap: 18.*

Majestatem Lucis Astra indicant,

fortitudinis ALEXANDRI Oriens & Occidens testes,
Epaminondam Thebæ, Solonem Athenæ demonstrarunt Orbi.

Etenim ab incude & malleo adamas, ab igne aurum,
virtus à vulgi æstimatione pondus & pretium sumit.

Magnitudinis Gestorum Tuorum,

Perillustri Clarissime & Admodum Reverende Domine

Juris Vtriusq; Neo-Doctor,

à laboribus commendabilis, à virtutibus laudabilis,

à meritis gloriose satis

Oculatissimi Testes

Domus Minor, quam quondam Dignissimus inhabitabas PROFESSOR,

& Justitiæ Augustale, Astreæ Pantheon,

quod emeritissimus incolis Pater.

Quis non vidit?

quomodo Vocationi ad Domum Minorem correspondebas,

agebas laudabiliter, quod Professore decebat:

explebas honorifice, quod concernebat laborem:

exquebaris gloriose, quod ad utilitatem omnium spectabat:

Sed hæc rem ipsam dicunt,

non Panegyrim modestiæ Tuæ inimicam requirunt;

quæ intus composita satis habet gloriæ,

quod respondeat Vocationi & Conscientiæ.

Vir in Cathedra Juridica

decumano labore & excellentibus meritis

prisca Nobis Jure Consultorum repræsentas decora:

etenim ingenii Tui claritudo, quidquid Sydereum habet

ab illo accepit Sole

in quo versatus es verè Filius lucis,

quia Filius Jagellonicæ Universitatis,

quæ tota in luce posita, in Sede Regni, in facie Orbis Poloni

Serenissimorum Regum Polonia Filia conspicitur.

Placuit in Te augustæ Scientiarum Jurisprudentiæ

æquanimitas & mentis illibatæ candor,

qui Justitiæ bilancem manu immota, fide incorrupta tenes,

pro Illa acrius quàm olim Solon pro Athenis decertans,

Medullam animi Tui eruditi,

& arcanos magni Judicii sensus scrutata est.

Alma Mater Universitas,

ad Coronam in Jure utroq; DOCTORALEM

cujus obtinendæ Licentiam nuper honorificè recepisti.

Te hodie invitat,

labores Tuos, merita, Tua, virtutem Tuam,

Vocationi & professioni suæ satisfaciensem

Virtutis præcinctura immortalis

L E X XII.

*Ut iurisiurandi ad fidem adstringendam precipua vis esset. Cic.
lib. 3. Offic. Agell. lib. 7. cap. 18.*

Annibal contra Romam, Macedo contra Darium

quidquid gloriosi gesserunt, iurejurandô effecere.

Hic Philippi obstrictus votô triumphavit Persas,

ille Amilcaris iusjurandum servando,

adhuc in cunis contra Romam caperavit frontem:

Etenim indicant Sacra, indicant fœdera,

quibûs etiam cum hoste devincitur fides,

nulla de re diligentius, quàm de Iurejurando judicasse gentes. (o)

Legem hanc explevisti in Te

Perillustis Clarissime & Admodum Reverende Domine

Juris Vtriusq; Neo-Doctor,

Iurasti

Fidem Orthodoxam integram inviolatamq; servare:

& Apostolicas Traditiones amplexus es,

Sacros Canones & Æcumenica Concilia indubitanter recepisti,

Principi Apostolorum veram obedientiam professus.

Obstrinxisti Te

fideliter pro Bono Orbis Literarii laborasse;

& laborabas in motu continuus, in labore non deficiens,

in Scholastico opere non fatigatus.

Spondidisti constanti animô

Universitatis promovere Bonum, & promovebas:

pro Juribus, obstabas fortiter,

in Causis boni Communis promovendis plurima ardua ferebas constanter;

immunitates, privilegia, conservabas inviolabiliter,

processistiq; Majorum Tuoꝝ passu ad laureas eruditus,

nempe à Minoribus ad Majores perveniendo. (p)

Vnde si iuramenti hæc causa est, quia omnis qui jurat ad hoc jurat, ut verum eloquatur. (q)

Tibi maxima vis

pro veritate pugnare, pro iustitia certare, pro æquitate militare?

Quare obstrinxit se Tibi & Doctoralis in Jure Utroq; honor;

ut Te pro tantis laboribus & meritis, suadente id iustitiâ Distributivâ coronet,

Et dum omnibûs pro Te perorantibûs vois

sis ad Oracula Iuris Doctor,

cunctorum expectatione ad hanc sublimaris Cathedram:

prehende, quam Tibi labor illibatâ, quia Divæ Themidis manu

porrigit lauream,

ego cum Doctoralibus insigniis votorum Tibi consigno Coronam:

ut ad Themidis Polonæ immortalem gloriam

& Orbis literati Columnen

clarissimus inter Iureconsultos Honor

benedictione Divina æternùm Te foveat,

à fatorumq; iniqua lege immunem Te Nobis servet,

A V T H O R G R A T I Æ

&

Æ T E R N U S L E G I S L A T O R

(o) Cic. lib. 3. Offic. (p) l. de gradatim. ff. de Muner. & Honor. (q) can. Iuramenti. 22. 9. 5.

ti
e,
M
o-
m
o
es
er
ne
a-
ur

10
c.

y-
ti-
c-

卷之六

卷之四

3.XII.13

22000,-



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

